


嘉慶續修中部縣志



(清)

丁 張
瀚 永
清 等

纂 修

本書四卷首一卷，清嘉慶十二年
（一八〇七）刻。據民國二十四年
（一九三五）鉛印本影印。

續修中部縣志序

余幼年隨宦少長即往來於伯叔兄季之任皆無不以志乘為急務
余始疑其事之曠既而稟承明訓知邑之疆域賦役政事兵防悉於
志乎繫之且以勵風俗正人心居今知古援古證今實為吏治之大
端也後廿年幕於汴京江廣間亦常以志事為居停計及於公事之
暇或即古人入國問禁入境問俗之謂歟甲子秋余莅茲土風崇節
儉人去浮華所歷莫有如我中邑者展讀舊志見所載忠臣孝子義
士節婦山川形勝風土人情不禁色為之喜神與俱往殆亦出自橋
山之毓秀沮水之鍾靈耶考其纂始於康熙癸酉已百有十五年矣
遂起續修之志而邑紳士素以耕讀兼事歲屢不登未遑計此丙寅
書大有即丁卯春集紳士共商此舉而紳士樂從雖然創始固難而
續修亦不易濫則無以昭信略則恆懼見遺昔日之所有今日無之

中部縣志 卷之一序

昔日之所無今日有之其間盈虛消長建置因革非書莫辨即如我
朝曠典折地減丁貢賦已免十之七八至邑界之四至八到向未分
畫詳明民多藉訟不考核於今安知不混淆於後况百餘年來有關
氣節可繼前徽者又安知不沒世而名不稱此志之不易修又不可
不修不得不修者也前志成於墟篋麗乾五鄉先生今柏香淡齋其
裔也與坊南平原象山諸君子矢公矢慎續而成之提綱十分目四
十彙輯一編付諸剞劂閱三月而葺其事庶乎觀風問俗一邑之利
弊瞭如指掌矣是為序

嘉慶丁卯秋知中部縣事無錫默甫氏丁瀚書

續修中部縣志序

甲子秋余膺

簡命秉鐸中部兩越月無錫默甫丁君來知縣事才敏而瞻勵精以
勤甫二年政通人和百廢俱興遂有邑乘之舉夫邑乘之重於天下
也尚矣自秦并六國列郡縣古侯國編年紀月比事屬詞之史亡厥
後或分州或分道或分省建制不一而守土者各志其封內之山川
道里沿革損益以傳諸永久下至彈丸小邑亦不廢蓋猶有古史之
遺意焉我朝

聖祖仁皇帝御極之二十三年特

命儒臣纂修國史爰及郡縣各編志書以廣

形廷博採而中邑之志於是乎成所稱三卷二十五條者前先進詳

哉言之矣第百餘年來縣自延安隸鄜州鄉鎮之廢興人民之節

中部縣志 卷之一序

有待於闡發者不少續修之舉又烏容已顧古之論作史者有三難
曰才曰識曰學說者謂三者缺一不可而余於三者之中欲總之以
一曰公蓋一邑之形勝因革山川疆域彰彰耳目者自不容掩而鄉
曲之間所謂宦達隱德義夫節婦皆隱隱於口吻間使有一之不公
或稍參以臆見則其人之實行不著即與古史之據事直書者異矣
是役也秉筆者邑紳士歲貢生坊南張君栢香劉君橋山郭君平原
李君選拔貢生澹齋牛君採訪者廩生張君炳生員劉君文煥而董
其成者則丁明府也雖其才其識其學未敢與古作者比列而去取
惟公竊願諸君子共矢焉

皆

嘉慶十二年歲次丁卯仲夏

甲寅 恩科舉人借補中部縣訓導朝坂趙映奎謹

中部縣志舊序

王者治定功成而禮樂作文章興焉所以昭一代之典型明百王之
大法我

朝誕膺天命薄海內外罔不臣服垂五十年矣文教覃敷武功赫濯
其制作之明備直越三代而繼唐虞乃

命大臣纂修國史爰及郡縣分編志書上以顯承

列祖下以博采風謠大小臣工咸祗承惟謹惟是延安邊郡也而中

部在延屬尤稱蕞爾土瘠民貧所從來矣余承乏郡守得李令在任

中部且七年多輔余所不逮民賦樂輸案無留牘乃延耆宿編修縣

志手自裁定凡六卷余披覽終篇閱山川疆域而知地狹土磽商賈

弗通食貨維艱也閱貢賦版籍而知兵荒薦飢戶口消耗差役繁重

也閱兵防而知阻險扼塞閱水利而知沙崩岸陡閱鹽法驛政而知

中部縣志 卷之一 序

商病遠販官苦課程驛費裁而馬多折損夫價減而役無完膚也瞻

覽名勝顧橋山

軒轅帝陵在焉風氣攸萃忠臣孝子義士節婦汗漫青史且文人墨

客遊覽題咏遑遑多鴻章麗詞及鄉飲祭酒縉紳先達亦復秉正守

禮彬彬乎文獻之邦也余方欲於觀風問俗之餘進多士父老造膝

咨詢竭一得之愚用副

各憲仰體

皇上加意秦民之至意借以察訪民隱興除利弊得茲編也清戶口

以除包賠惠鹽商以汰新增荒山峻嶺穴處巢居之民不啻就聖主

而言情也異日進呈

睿覽不且大有利賴中部哉文既大雅事亦該博述古酌今宣教達

情可以副

上旨備史乘有裨一代之典制矣是為序

中憲大夫知陝西延安府正堂加三級蘭陵張偉奇庵氏題

中部縣志 卷之一 序

中部縣志舊序

一代之興必有一代之紀載漢高入關蕭何收圖籍因知四方疆弱
盈虛之實丙吉使東曹考案邊郡兵食之有無故能指揮形勝不出
戶庭瞭若指掌者圖籍之功也蓋居今而知昔援古以證今利弊興
革數十百年之事非書不辨我

皇上即位以來戡亂定治興禮樂敷教化巍巍蕩蕩登三邁五猗與
隆已乃

詔修一統志併及郡縣志蓋將采風問俗緝成一代之大典也余承
乏中部今七年矣諸務就理上下和樂乃延鄉先生纂修邑志以副
上旨且以博觀古昔人物之偉傑孝子忠臣義士節婦之振綱植紀
砥瀾迴流以及山川形勝之大建置因革之變余固不敢以鄙陋無
文自謝於鄉先生鄉先生亦不以余之不敏時勤事於博稽廣咨自

中部縣志

卷之一序

康熙癸酉迄乙亥越三年而書始就願熟讀典故多識舊事貫串錯
綜則燻篋先生實成一家之言焉崇揚善類嘉尚節廉一善必錄微
美亦顯事有關於氣節者不啻三致意矣夫中部小邑也在唐宋則
三輔大州節度刺史之所臨在崔郭政績楊劉清德史傳所載百世
猶新也乃參以二十一史準以雍大記徵以雍書咨以父老先民其
間載事既諺褒貶亦正既以續舊志於兵火焚劫代易事殊之後而
余亦借是以事神治民崇德尚賢知賦役之增減明風俗之變易也
惟是發揚潛德表正風化請減戶口深維鹽法今蓋竊有志焉而愧
未逮也恭逢

聖天子西眷方殷大臣百執事體察民瘼親斯編也中部利弊灼然
若目見而身歷之矣庶或有造於茲邑云爾謹序

文林郎知中部縣事白下李暄蒼山書

中部縣志舊序

夫以天下名區獨讓西秦第一關中要地惟推延郡無雙鼎峙列三
州不及坊州之秀麗疆分十六邑無如部邑之風華一望橋山岡巒
聳翠疊怪石隆蒼松峭逼雲霄彷彿乎華恆嵩泰載瞻沮水波浪冲
融泛鳧鷖叢荇藻迴瀾日映依稀平瀆海淮湘磊落孤城抱碧流而
環遠魏煥縣宇迎瑤島以嵒從傍曉霧蒙縹緲龍灣澤畔當春烟
漠漠纏綿鳳嶺峯頭南谷黃花開放金錢鋪滿地北橋淨雪推殘玉
屑遠歸天水來楊子江心湧作飛泉滾滾月掛皇陵山半照臨蟾影
輝輝尤為世上之奇觀真是人間之妙景勝槩動軒轅駕御輦而邀
遊翟道仙聲聞漢武基金莖而祈築雲臺攀龍髯以昇騰直上清虛
之府向長空而拜禱仰希閨苑之丹迄今鶴馭已狝只見青霞籠玉
塚憶昔羽翕難遺徒留古蹟在岑林是以川嶽鍾靈皇風毓秀上從

中部縣志

卷之一序

太古遞及熙清歷代人文蔚起屢朝科第雲初即小吏農夫間有純
良足錄鄉媛野婦無非節烈堪垂縣誌昭然班班可考惜遇頻經兵
火煨作灰塵幸逢邑宰李公廉明清慎菁莪棧樸不殊西伯之作人
蔽芾甘棠可比召公之雅化百為盡善庶績咸康政事之餘慨然興
感嘆記書之缺略嗟方冊之遺忘爰捐俸以資工乃修文而刊板詳
明圖域表著懿行誠百代之鼎銘千秋之青史也余才慚作賦心慕
章程聊寫里言附之卷末宣揚盛事云爾

賜進士第原任諸暨縣知縣邑人牛光斗撰

中部縣志舊序

邑有志倣古制也古之爲國者各有史官記事雖王朝列國之史皆謂之志周禮小史外史掌邦國四方之志如晉乘楚檮杌魯春秋之屬史也卽志也迨漢至班固易八書爲十志而禮樂律歷天官封禪河渠平準條分縷晰燦如列眉斯又史之變聲而志之法乘也嗣是代各有史地各有志百世而下以時修集備一方之文獻以故分野疆域官民財用人物山川上下古今不下堂而靡弗周知部邑雖僻壤彈丸黃帝陵寢所在橋山頂峙沮水腰環秦中一名勝區也古之有志與否皆不可考故明正隆間劉鄜南橋麓昆仲兩先生先後纂緝迄今二百餘年殘闕於兵火之餘余老舅壘篋公爲先生之曾孫雖恪守家乘亦僅存什一於千百部志之不可問也可勝悼哉我

皇清定鼎五十年海隅向化九有式廓共球之盛疆域之廣亘古未

有今

天子御極之二十三年下詔修一統志令郡縣有司咸得緝志彙進按圖索籍博採遺聞增修故事哀集成書以昭車書之盛俾天下古今靡不囊括而整齊之豈非甚盛事哉是志之不可不亟爲修也然而正難其人難其事也操觚之子囊括爲工鞅掌之吏簿書是重且事曠代更則父老之傳聞無多時逾滄桑則典籍之散佚不少地係桑梓則褒美或失之濫人非土著則見聞未必其確有一於此烏乎其爲志甚矣作志之難其人難其事也邑侯 蒼山李公以班馬之才數糶黃之政莅任數載百廢俱興尤於文墨一道深加意焉一日集邑之紳士爲修志之謀壘篋公出家藏殘帙並博採關中通志首董其事麗乾牛公馥亭蘭公余弟六翮皆參訂彙集余亦得濫竽纂修之末竊惟今邑令古諸侯也邑無大小咸得以百里侯稱侯之政

事本諸文學修志之舉謂非致治之端乎觀疆域建置之廣狹而發

政施仁民是以可樂瞻山川風土之攸宜而耕鑿無擾民是以可利景名宦循良之芳軌而去其煩苛民是以可安察賦役戶口之多寡而取用有度民是以可富觀忠臣孝子義士節婦之懿行而挽其頹風作其廉恥民是以可淳鑒選舉人物之褒崇而詩書絃誦興行率俗民是以可勸覽古蹟祠廟之興廢而思敬思哀民是以可與春秋鄭子產以惠頌於國人於辭命特推潤色蒼山公之功詎出僑也下哉是役也上以副

聖天子一道同風之治下以垂千百世憲章不刊之典是誠曠代之史豈一邑之志已哉

賜進士第四川鄆都縣知縣邑人張鳳抱撰

中部縣志 卷之一序

中部縣志舊序

明府李公蒼山先生修輯中部志成索紳弁言余再拜而為之叙曰志者史之一體而縣志則郡國之權輿也先儒有三史莫尚於志蓋將求諸制作之林非徒以文詞為工也聞之宋太平中作寰宇記考證頗詳惜其書不傳然人文之目嘗時固謙讓不逞也故明李文達竭生平之力為一統志而所載方輿多與舊史不合故論者謂讀通志不若讀郡志讀郡志不若讀縣志君子以為知言中部志闕有年矣故明正隆間邑人鄺南橋篋兩劉先生纂修成帙後以鼎湖之變屢經兵燹斷簡殘篇無所信從今值

聖天子考文徵獻之時復得公起而修之公江南俊傑甫仕楚雄善政不可枚舉再仕吾邑吾邑他人目之為衝疲事事棘手公內無賓史鳴琴坐理取辦俄頃嘗恢恢其有餘地而賢士大夫日相往來懸

中部縣志 卷之一 序

魚種菊飲酒賦詩遠近傳誦紵衣縞帶有春秋卿尹之遺風居嘗慨然曰夫子說夏禮而傷杞不足徵學殷禮則曰有宋存焉未幾杞降而稱子而宋猶得以上公周旋盟會之列歷二百四十年不改然則邑之有志文獻之存亡係之不甚重哉於是招集羣賢講求故實彙篋劉先生乃鄺南橋篋之嫡裔曾孫也因為之執牛耳與麗乾牛馥亭蘭諸先生共襄厥事余與家兄九苞亦濫竽其側公裁定之以庀其成其始也搜書按籍爰備採擇復旁稽輿論探索真偽故其言無虛僻冥然為一邑信史况公治部五載防固封疆遍覽山川之勝勸興農務時清欺隱之田惟正有供何以昔費而今簡輶軒載道何以昔勞而今逸以及民風之若何砥飭人才之若何壺培文教之若何釐正凡志之所載者公一一見諸施行又豈若操觚家只矜文詞博雅云爾哉且也當日鄺南橋篋修志時出於重熙累洽之際又乘其

里居暇日為之公志乃自簿書期會間與三五縉紳草創焉討論焉修飾而潤色焉不日成之增益而不失之華率直而不失之肆視延郡志陝西通志善有加矣余之學疎任拙遠愧諸先生尤遠愧公庶幾附公以傳不朽公在部多異政行將

夫

康熙壬申冬十一月長至日

賜進士第四四川大竹縣知縣邑人張鳳翀課

中部縣志 卷之一 序

此處為空白欄位，僅有垂直的界線。

中部縣志舊序

邑有賢侯其嘉惠為無窮焉扶衰起敝與為優恤一時之政也而百世蒙其休修文徵獻用昭法戒百世之政也而一時集其成邑志之有關於致治也不甚隆哉

明府蒼山李公江南偉第名世優才莅治我中部甫下車即周咨民間疾苦勒石永革其善政多端無容再贅諸所修復廢缺亦槩難枚舉七載以來政是以通人是以和矣鳴琴之暇時與二三紳士杯酒相延講求今古殷殷於滄桑之餘邑志湮沒不存是念也迺慨然曰中部雖偏小邑於橋陵之麓山環水濼雅稱名勝向來文風丕著人才蔚興獨奈何無志方今

聖天子在上考徵文獻詔直省郡邑輯志彙進以成統一信史中邑亦不可無志修明之任縉紳先生與有責焉諸君子僉曰明正隆間

中部縣志 卷之一序

劉鄜南橋麓兩先生所纂邑志災於寇氛什一千百久矣不可復問墟篋公先生苗裔得無有僅存者乎於是墟篋出其家乘博採雍志郡志序入近今見聞實錄首先釐訂加以張公九苞六翻牛公麗乾博綜淹雅與共參稽余自維鄙陋亦竊謬附其末明府乃討論講求裁成潤色傳其信不傳其疑崇其實不尚其華閱數月纂修成帙又進而語諸公曰修明邑志昭示來茲共事諸君子俱不可無序以傳不朽余不敏無以為序亦第即今日脩明者志公之實政而已以經方以謀野則疆域山川其較著者也以勸課以均輸則土田賦役其釐定者也以撫字以懷保則名宦循蹟其昭然可法者也以旌良彰善以興行率俗則孝義節廉選舉人物諸條其燦然共見者也至若享祀祈報徧於羣神凡古蹟廟祠壇壝靡不詳明紀載祇承無遺也跡其修明無一非公之實政垂示無窮者矣公之惠施在吾邑公之

循績久登於

彤廷行將特晉公賓館集纂一代信史一邑之志得附國乘並傳久遠其嘉惠又安有窮也哉
原任四川大邑縣知縣邑人蘭薰撰

中部縣志 卷之一序

中部縣志舊序

事有關於世道人心勸戒昭而記載該其志與史乎夫史一代之政而志則一邑之政也魯有史孔子據以作春秋政雖不行於當時後世取正焉邑雖褊小不可一日無政也或曰才短者拙學淺者鄙識乏者諛君子譏焉故作史未易言也余以為志亦宜然中部志自元以前為坊州者今不可考矣故明正德嘉靖間余先伯曾祖太僕公屬稿未就會有柳州之請叔曾祖左史公踵而成之分入卷列條二十一止於萬歷乙亥歲今百一十八年矣故明崇禎辛未邑陷於寇志遭焚燬繼以大亂數十年

清興康熙甲辰曲沃賈公以中丞撫吾秦徵聘夙儒纂修雍志余不敏竊與其事而延安志則趙子玉譜緝采成帖太守陳公屬予弟微君敬又太學正趙子蔚生據以成郡志中部志則缺焉未講也予為

中部縣志 卷之一 序

懼暇日搜弟遺稿又采諸郡志徵以雍書參之雍大記既又得左史公舊縣志於江南殘編斷簡用以考記其闕略焉會邑侯蒼山李公以江南名宿莅政五載百廢俱興乃以邑志屬予與張子九苞六翻牛子麗乾蘭子馥亭義不得辭迺互相參訂閱八月而後成三卷二十五條而加詳於萬歷乙亥以後蓋實錄也竊愧撫拾補綴文不雅馴然以視夫矜用小智輕侮前賢私加毀譽予與諸君子蓋兢兢慎之矣後有作者廣詢博稽多所釐正以補予與諸君子之陋而文其蕪靡以嗣續我太僕左史公之遺乘也庶幾有補於中邑文獻云爾
康熙癸酉季夏沮濱野史劉爾怡填笈書於三河之雪堂

續修中部縣志序

自扶風變史為志而志於是始志之為書即郡邑亦有之謂其可以徵文獻明異同也中邑經明季兵燹前志散軼無稽

本朝康熙癸酉填笈劉公暨諸先達彙纂邑侯蒼山李公鑒定於地理則辨星野詳戶口於建置則明沿革審利弊於風土則紀人物載食貨詳哉其言之矣迄今百有餘年其間人事之推遷物理之變化足備一邑掌故者尙未續修甲子秋 邑侯丁公奉

命莅茲土不惟汲汲民社教養兼盡極之一人一事罔不時深焦勞越明年廢者修墜者舉庶政咸理頌聲交加爰於丙寅冬屬紳士以謀續修丁卯正月復集衆語之曰我

國家崇儒右文大化沾濡初不遺於遐陬鄙壤况中邑為 軒轅陵寢所在橋山聳峙沮水環流為關中名勝區而邑志歷久未修則天
中部縣志 卷之一 序

時地理與夫德業文章足以炳日星貫金石悉委之寒烟斷葦劫火青燐將何以發幽光昭來許乎吾於諸人有厚望焉 等恭承 鈞命與諸同人遠稽近考博採旁參正魯魚別亥豕擇其尤雅發凡起例一一裁成於吾 侯一篇之中三致意焉凡前志所偶遺見於他說者從而補益之他若星土之源流今昔之沿革人材之盛衰生民之休戚有一事焉必求其故有一人焉必考其詳綱舉目張條分縷析數閱月而後成後之覽者可按籍求也馬鄱陽有言志者憲章之所係非老於典故者不能 草茅陋士竊蒙葑菲之采俾得濫等而參末議敢云千慮一得亦以承不讓土壤不擇細流之意云爾
嘉慶丁卯季夏月邑人張永清撰

續修中部志序

昔明道官鄂考亭官南康皆首重志事誠以志也者一邑之今昔源流於此考鏡焉中邑舊志距今百有餘年簡編斷殘湮沒茲懼維我邑侯丁政簡民阜琴堂坐理之餘慨然以纂修為事洵盛舉也余念修志之難非稟經酌史終非完書讀禹貢而知厥土厥貢之攸殊讀周禮而知建置官師山川道里之各異讀風詩而知忠臣孝子士女風俗之貞淫正變讀左氏司馬氏班范歐陽涑水紫陽諸史而知政治之因革人物之高下人事之治亂興衰可以傳古而信今後之為志者豈易取經學之遺意史氏之家法踵而輯之乎余鄙陋幸與同邑諸友摭拾舊志復採諸輿論缺者補之無者續之疑者訂之略者詳之律以劉氏三長五難之義雖未敢謂體格準諸先民法戒寓之微詞而竊取程朱作志之例寧嚴勿泛寧樸勿縟或庶乎其有合

中部縣志

卷之一序

一一

與今閱四月有奇編輯數帙視王鶴汀先生載筆踰十年而成書難易雖迥相懸殊而付之剞劂以祈少副吾侯之苦心於萬一云
嘉慶丁卯季夏月邑人李寅生謹

續修中部縣志序

邑有志所以驗風俗辨政治稽古今因革之由攷盛衰得失之故且使後之人得以審時度勢救弊補偏志之所關大矣哉故歲月有加增修是急良有以也然人非史才文非史筆繁則摭拾蕪穢簡則疎漏樸野求其文而不靡質而不俚詳瞻有體難矣中邑志前明正隆間登九世祖廊南公屬稿橋麓公踵成之後遭兵燹殘簡僅存越二百餘年本朝康熙癸酉余伯太高祖堽篋公及諸先達先生採輯成全書今百十有五年矣其間滄桑變易事蹟迭增尙缺焉未載也嘉慶甲子秋無錫丁賢侯莅茲土越四載丁卯政通人和百廢俱興其大者修築陳家橋以補橋山來脉尤加意文獻爰集邑紳士謀增修志乘捐俸以倡士庶樂施遂以纂輯事命坊南諸公未及於堦深愧謏陋弗勝厥任因同與搜稽典故掇拾近聞以訂以參舊志闕略者補之體例未合者易之徵信考疑崇真戒偽大綱十條目三十有九草就以上之賢侯與學博先生趙詳為裁定去其舛戾正其條理閱數月而告成夫志者識也存往蹟鏡方來以善政遺於後者也是編上而天文下而地利中而人事無不畢備仰觀分野災祥則我侯所敬而察也近望城郭山川則我侯所撫而泣也詳稽戶口糧儲農田學校我侯噢咻而教誨者也博覽人材藝文義士節婦我侯培育而表揚者也以一時之實政垂千秋之金鑑異日驗民風辨政治攷因革之由察盛衰之故於以斟酌時政加惠我中邑者皆賢侯今日之賜焉則是舉也裨益豈淺鮮哉

中部縣志

卷之一序

一一

皆

嘉慶十二年歲次丁卯季夏邑人劉燈栢香氏書於橋山書院

續修中部縣志序

邑志自堯篋諸先達會纂蒼山李侯董成後百有十五年矣星霜代
變人事消沉欲起而問之渺渺茫茫如譚洪古 邑侯丁慨然曰一
邑之山川風土間有異同而因革登耗每分今古撮而記之皆考鏡
之林也况忠臣義士孝子貞媛亦多操冰霜而埋碧血者歷年既久
傳聞易謬失今弗記後此無徵非所以廣教化正人心也則思有以
續修之 耻 竊惟志者史之別名而志且較難於史遷固宏遠陳范清
華尙已而補綴闕漏皆經父子數十年而後成惟後漢東觀羣儒纂
述無統前史譏之若輯志之人非有聞見洽聞之助也輯志之時亦
非有經營纂組之專且久也是故徵文攷獻國史則日月有記註邑
志或歷久曠缺而不能輯雖然前事不忘後事之師也創者之難每
不如因者之易邑舊志成於康熙癸酉 耻 五世伯祖麗乾公與其事
中部縣志 卷之一序

時值明季兵燹後簡樸包荒體例或多未備今

國家承平歷數傳矣吾 侯膺
命出宰念切民瘼於道糧見轉輸之才於平糶見賑濟之惠且於修
橋傾墩見培植縣脉之遠謀而尤急急於續志一事於是 耻 與諸同
人徧採典籍掌故及父老見聞或衰或益以舊志爲宗草創之討論
之修飾之潤色之皆取裁於 仁侯而 仁侯又慎重其事要使綱
舉目張以折衷於至當然則是編也非堯篋諸先達無以開其先非
侯莫能綜其後後之覽者於星野可以思封域保障之固於建置可
以思盛衰調劑之宜於官職可以思政治得失之異於祀典賦役風
俗人物藝文可以思近神庥阜民財作人造士障波靡而還淳穆也
猗歟休哉 仁侯之精神志氣充運於中之山川風土忠臣義士孝
子貞媛者無所不至將見教化以廣人心以正其繼往而昭來也寧

有既哉 耻 材謏陋附尾顯名此中之抱慚良多矣是爲序

邑人牛麟趾撰

中部縣志 卷之一序

續修中部縣志序

從來志傳之歷久不朽者有其主之有其輔之而又有其人焉閱百餘年以繼之此國史所以稱廿一而文獻不至無徵也中部代有志傳非一日矣明季兵燹之後簡編寢失迨我朝定鼎海隅向風及聖祖仁皇帝郵治翔洽文教軍敷採風問俗

詔一統志之修而邑志亦於是纂輯焉主之者前邑侯蒼山李公輔之者則邑紳士璽篋劉公麗乾牛公九苞六翮二張公並程叔祖馥亭公旁搜博採討論潤色凡輿地之沿革疆域之廣袤山川土產之美麗戶口賦稅之繁簡以及名宦人物忠孝節烈條分縷晰釐然具舉告成之日一時稱為盛事特有其創之莫或繼之總輿地山川猶是而如忠孝節烈等湮沒而不彰者曷可勝道我 侯丁以梁溪世胄蒞茲彈丸本召父杜母之思大甘雨和風之政二年於茲政通人

中部縣志卷之一序

和案無繁牘鳴琴之餘博覽故實閱及縣志慨然有續修之意爰集紳士如象山諸公參閱校訂舉前志之已有者新之未有者補之咨諏不遺片善點竄一本至公定一時之憲典者於斯振千秋之風化者亦於斯循良美政孰大於是程以教讀他邑不獲與象山諸公繼先志於不朽不無遺憾因不揣固陋綴蕪詞於簡末以頌我 侯續修之至意云爾是為序

邑歲貢生蘭鵬程謹撰

續修中部縣志序

中部自軒轅仙馭以後說者謂聖祖天尊大帝再降故開天明道為二帝三王之宗祖千秋萬世之楷模歷代累行禋祀則其地重其地之志又烏可以或輕梁溪丁 侯於嘉慶甲子歲蒞茲土導揚風化撫字黎民誠所云百里清風一天明月者也歲丁卯二月初旬彙集邑人商續舊志蓋誠慮康熙癸酉修志以來百有餘年山川猶是疆域依然而其間忠孝節義足以配三才而立極為綱常名教之準者苟聽其埋沒而不之修後之人欲從而求之漠然徒見山高而水清斯亦司牧者大有所不安於心也中自三原來適逢其會得列籙校之役爰備考而參訂之除舊志中字跡繩愆糾謬外其沿革則稽諸通省志廣輿記也其星野則稽諸天官書天文志也其戶口鹽法則稽諸馬端臨之文獻通考也其名宦鄉賢則稽諸潘海虞之輿圖備

中部縣志卷之一序

攷也至如王士宏之孝牛描姐之節或得之斷碣殘碑之內或求之父老傳誦之中以及張九苞張六翮之雙忠獲諸遺文者靡不博採補入下以發潛德之幽光上以顯聖天子孝治天下浹髓淪肌之至意俾覽斯編者忠孝之心油然而生而愚夫愚婦之散處於窮疆僻壤偶聞斯義亦勃然動於天良而不能自已則我 侯善善從長導揚風化之忱或不無少慰也乎他若隱逸仙釋別有天地不過仍舊而已而村鎮之名疆域之界中與坊南諸君子詳明表著較舊志略備焉夏六月邑人郭建中謹識

續修中部縣志銜名

總裁

鄭州直隸州知州

皂住

督修

中部縣知縣

梁溪丁瀚

中部縣訓導

朝坂趙映奎

監修

中部縣典史

王灝

編次

歲貢生

張永清

歲貢生

劉澄

拔貢生

牛麟趾

中部縣志卷之一銜

歲貢生候選儒學

李寅生

恩貢生

郭建中

校對

廩生

劉詢

生員

劉文煥

廩生

張炳

生員

陳東美

中部縣志目錄

卷首

序

卷一

縣境全圖 縣城圖 軒轅廟圖

地輿志 沿革 星野 疆域 山川 形勝

建置志 城池 衙署 學校 鄉鎮

卷二

祀典志 廟宇 寺觀 陵墓

賦役志 貢賦 倉儲 戶口 鹽法 郵傳 物產

風俗志 風俗 祥異 荒政

職官志 名宦 縣令 儒學 典史 營員

中部縣志卷首目錄

卷三

選舉志 科甲 貢生 例貢 職員

人物志 人材 忠臣 義行 隱逸 流寓 仙釋 鄉飲

節孝志 孝行 節烈

卷四

藝文志 文詩

州縣分境所關甚重為守土者必知而地之形分勢別亦若天定焉故鄜中西山分界原有蜿蜒橫一條西自沮源關東至雙塚兒約長二百二十里南北各有支山數十處搖拽而下形如蟒蛇故以名山乃子午嶺之一大支山也此山之脊較諸山獨高而長其脊以北之支山其水皆入鄜州之洛河其脊以南之支山其水入於中部之沮河乃歷來交界疆域所由分也西與鎮寧縣分界以子午嶺之脊為定西屬鎮寧東屬中部其南與宜君縣交界則西玉皇屹塔東至靈灣石礮中有新店

中部縣志 卷之一




中部縣志 卷之一


梁一條約長三十餘里以山脊分水為界南屬宜君北屬中部此西山之四止也至塬地則賦役所出南交宜君之界牌嶺東交洛川之楊柳鎮各有定止素無蒙混焉覽境披圖即可了然故作中部縣境全圖以示永遠云

橋山為城沮水為池天造地
 設化工化畫工也然化工而遂以
 畫工仙臺路頂印臺峙隅古柏
 森列瞭如指掌畫工乃化工矣
 如以為覽錄云


江都縣志 卷之一 縣城圖




江都縣志 卷之一 軒棧圖



軒棧軒





中邑縣志 卷之一 輿地 五

廟柏東八株西九株其西南一
 株七人合抱西階下一株名將軍
 樹宛然釘痕相去各二寸許縱
 橫成行枝幹皆然銳者如浮
 武帝征朔方還駐蹕桂甲焉

地輿志

地居太虛之中馮大氣而舉之德方形圓如輿載物黃帝畫野大禹
 分州彈丸之細運掌計焉中邑古橋國也疆域之沿革山川之形勝
 悉於是屬作地輿志

沿革

邑雖褊小亦扼塞重地分隸稱名歷代各異有沿革者有沿革而
 復沿革而復沿革者猶存職方之掌故也志沿革

唐虞夏商

橋國○翟○路史黃帝姬姓子孫守橋山通志橋山在中部北竹書
 紀年帝乙十七年西伯代翟通志表橋翟皆雍州域

周

白翟○舊志周職方雍州之域春秋為白翟鄭漁仲通志今鄜坊延

中邑縣志 卷之一 地輿 六

綏皆古白翟地

秦

陽周○舊志秦置上郡陽周即翟道縣通志董駘為翟王漢書地理
 志陽周注橋山在南有黃帝冢莽曰上陵時

漢

翟道○通志漢左馮翊領谷口翟道寰宇記翟道在中部西北四十
 里有餘址漢書地理志曰渠搜直路成宜北與武臯且如侯城皆為

中部都尉治渠搜隸朔方成宜隸五原北與隸雲中武臯隸定襄且

如隸代郡侯城隸遼東通志表翟道縣漢隸司隸部屬左馮翊直路

縣後漢已廢

魏晉

長城○元和志長城本漢翟道縣地苻堅於長城原置長城縣地形

志中部郡領長城縣又名貳縣晉書太元十一年苻纂據杏城貳縣通鑑晉義熙五年姚興擊夏王勃勃至貳縣注貳縣當在杏城西北通志貳縣今在中部西北又名杏城通典姚萇置杏城在中部西晉書地理志赫連勃勃以秦州鎮杏城十六國通志表長城貳縣杏城魏晉間俱隸并州上郡

北魏

內部○舊志後魏大統中改內部郡通志表中部郡治領中部石保狄道長城四縣元和志漢狄道劉石苻姚時於今理南七里置杏城鎮後魏孝文時改鎮爲東秦州孝明時改爲北華州地形志太和十年置東秦州後改治杏城明一統志杏城在今中部東七里西魏

中部○地形志後魏北華州領中部郡寰宇記姚興於今理南置中部郡縣志卷之一地輿 七一

部縣大統九年移理杏城

北周

坊州○舊志後周天和中鄜州刺史牧馬於鄜置馬坊州界元和志姚秦置中部後周改內部通志梁臺孝閔踐祚以翊戴功封進爵中部縣公是魏周俱爲中部

隋

內部○舊志開皇三年郡廢寰宇記後魏中部縣開皇九年避諱改曰內部大業三年自杏城移於今理

唐

坊州○舊唐書地理志隋曰內部武德二年分鄜州置坊州又改中部坊州通志坊州在今中部舊志有杏城仁里思成永年安臺五城杏城本縣名

五代

坊州○五代史梁本紀開平三年劉知俊克坊州李茂真傳開平已後邠鄜坊入於梁通志唐坊州領縣四後唐割鄜城縣隸鄜州領縣二仍唐舊

宋

坊州○宋史地理志坊州領縣二舊志宋爲中部郡軍事又爲坊州軍刺史仍置中部縣

金

坊州○金史地理表坊州治中部縣通考金隸陝西鄜延路通志坊州在中部西南元省入中部縣續通表唐中部縣金仍舊

元

中部○舊志元廢坊州爲中部屬鄜州通志至元六年廢坊州併入中部縣志卷之一地輿 八一

明

中部○舊志元至正二十四年平章王九臯築城縣西龍樂山屯兵據守明兵至棄城走沙漠縣丞伯顏以城降仍中部

皇清分隸如故○通志明隸延安府鄜州國初因之雍正三年州陞直隸縣仍屬州